



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Prima Duo Sæcula Complectens

Fleury, Claude

August. Vind. [u.a.], 1758

VD18 13322648

§. 28. Liberum Arbitrium.

[urn:nbn:de:hbz:466:1-66002](https://nbn-resolving.org/urn:nbn:de:hbz:466:1-66002)

Sæculum II.
A. C. 180.

vias aberrent; at vox illorum, qui de Ecclesia sunt, circuit totum mundum, firmam Apostolorum traditionem ferens, nobisque omnibus oculos aperit, ut eandem fidem cognoscamus, eadem omnes præcepta meditemur, eidem Ecclesiæ capiti obediamus, eandem spem in sinu foventes. Prædicatio Ecclesiæ vera est, & firma, & universis eandem salutis viam monstrat. Est candelabrum cum septem brachiis, Jesu Christi lumen portans. Qui igitur Doctrinam Ecclesiæ rejiciunt, sanctos Presbyteros ignorantie accusant, nescientes, quanto vir ignorans, & pius impudens Sophista, & Blasphematore melior sit.

§. XXVIII.

Liberum Arbitrium.

L. 4. c. 9.
29. 71. 72.

S. Irenæus in pluribus locis liberum hominis, Angelique arbitrium docet, ipsumque hominem suæ ruinæ causam fuisse, & quotidie adhucdum esse; humanam libertatem omnium præceptorum, exhortationum, exprobrationum, laudis, præmii, & poenarum radicem esse, & fundamentum; causam mali non se tenere ex parte Dei ostendit, sed ex parte Creaturæ, quæ esset naturaliter imperfecta, & minor Deo; temere incusari Deum, quod mala esse permiserit;
Sua

Sua bonitate, inquit: bonum nobis tribuit, Sæculum II. fecitque homines liberos, & sibi similes; A. C. 180. sua Providentia Deus infirmitatem humanam cognovit, & ea omnia, quæ inde sequerentur, per bonitatem, & omnipotentiam substantiæ creatæ naturam voluit vincere, & perficere; primo enim naturam in infirmitate sua apparere oportuit, ut deinde, quod mortale est, per immortalitatem vinceretur, & absorberetur; & sic homo perfecta Dei imago, & similitudo evaderet. Malum, quod Deus infert hominibus in criminum pœnam, si ad Justitiam divinam compareretur, bonum est. Secundum naturam omnes Filii Dei sumus, quia omnes sumus creaturæ ejus; at secundum obedientiam, & fidem non omnes Filii Dei sunt, sed illi tantum, qui in eum credunt, & faciunt voluntatem ejus, alii autem sunt filii, & Angeli Diaboli, qui faciunt opera ejus. Docet etiam manifeste peccatum originale, dum dicit, homines a plaga antiqui serpentis sanari non posse, nisi per fidem in illum, qui elevatus a terra omnia traxit ad seipsum. Et alibi, peccatum primi hominis, a primogenito, qui est JESUS CHRISTUS, fuisse emendatum.

c. 75.

c. 77.

c. 79. 80.

Lib. IV. c. 3.

Lib. V. c. 19.

Aug. in Jul.
I. c. 3.

Lib. IV. c. 47

Ait etiam, eo quod fides hominum novi Testamenti accreverit, eorum etiam virtutem crescere oportere, cum nobis non solum a malis actibus abstinere præ-

Sæculum II.
A. C. 180.

Ibid. c. 14.

Lib. V. c. 32.
33. &c.

ceptum sit, sed etiam malis cogitationibus, verbis inutilibus, & irrisoriis. Bis S. Justinum adducit his verbis: *Bene dixit Justinus in suo Tractatu contra Marcionem: ipsi Domino non credidissim, si alium Deum, quam Creatorem annuntias-* set. S. Irenæus, sicut S. Justinus, in opinionem Millenariorum delapsus erat, dum clare docet, Sanctos mille annis cum Jesu Christo post primam resurrectionem, & ante extremum judicium in terra regnatos; nempe auctoritate quorundam veterum, qui hanc Traditionem reliquerant, quos inter Papias fuit, captus est; cumque, quantum posset, ab explicationibus allegoricis, quibus hæretici, quos oppugnabat, fundabantur, vellet recedere, in alterum incidit extremum, dum quorundam tam veteris, quam novi Testamenti locorum sensui litterali plus justo inhæsit, ubi Ecclesiæ gloria, aut æterna felicitas sub diversis sensibilibus rerum figuris repræsentatur. Hæc notatu dignissima in Tractatu S. Irenæi contra hæreses nobis visa sunt.

§. XXIX.

Martyrium S. Apollonii.

Eus. V. hist.
c. 21.

Sub Commodi Imperio Ecclesia in toto mundo profunda pace fruebatur; favente itaque occasione multi Romani nobilitate,